

## সিভিল সার্ভিস অনুষদ বাছাই নির্দেশিকা, ২০২২

গণপ্রজাতন্ত্রী বাংলাদেশের সংবিধান-এর ১৭ (খ) অনুচ্ছেদ অনুযায়ী রাষ্ট্র সমাজের প্রয়োজনের সঙ্গে শিক্ষাকে সংগতিপূর্ণ করার জন্য এবং সেই প্রয়োজন সিদ্ধ করার উদ্দেশ্যে যথাযথ প্রশিক্ষণপ্রাপ্ত ও সদিচ্ছাপ্রণোদিত নাগরিক সৃষ্টির জন্য কার্যকর ব্যবস্থা গ্রহণ করার লক্ষ্যে বিসিএস প্রশাসন ক্যাডারের কর্মকর্তাগণের সক্ষমতা বৃদ্ধির মাধ্যমে দক্ষ ও যোগ্যতাসম্পন্ন অনুষদ তৈরির নিমিত্ত নিম্নরূপ নির্দেশিকা প্রণয়ন করা হলো:

### ১। সংক্ষিপ্ত শিরোনাম ও প্রবর্তন

- (১) এ নির্দেশিকা ‘সিভিল সার্ভিস অনুষদ বাছাই নির্দেশিকা, ২০২২’ নামে অভিহিত হবে।
- (২) এ নির্দেশিকা অবিলম্বে কার্যকর হবে।

### ২। নির্দেশিকার প্রযোজ্যতা

নির্দেশিকাটি কেবল গভর্নেন্স ইনোভেশন ইউনিট কর্তৃক হার্ভার্ড কেনেডি স্কুলের সহায়তায় আয়োজিত অনুষদ সদস্য উন্নয়ন কার্যক্রমের জন্য প্রযোজ্য হবে।

### ৩। সংজ্ঞার্থ

বিষয় বা প্রসঙ্গের পরিপন্থি কিছু না থাকলে, এ নির্দেশিকায়-

- (১) “অনুষদ” অর্থ এ নীতিমালার আওতায় বাছাইকৃত বিসিএস প্রশাসন ক্যাডারের কর্মকর্তাগণের সমষ্টি;
- (২) “অনুষদ সদস্য” অর্থ এ নীতিমালার আওতায় গঠিত অনুষদের সদস্য;
- (৩) “প্রশিক্ষণ ও প্রশিক্ষণ সংশ্লিষ্ট প্রতিষ্ঠান” অর্থ প্রশিক্ষণ, গবেষণা, বুদ্ধিবৃত্তিক কাজ এবং প্রশিক্ষণ ও গবেষণা পরিকল্পনা, নীতি প্রণয়ন ও ব্যবস্থাপনার সঙ্গে নিয়োজিত প্রতিষ্ঠান;
- (৪) “বুদ্ধিবৃত্তিক কাজ” অর্থ - প্রশিক্ষণ ও গবেষণা সংশ্লিষ্ট নীতিমালা প্রণয়ন ও বাস্তবায়ন; প্রশাসন ও উন্নয়ন প্রশাসন সংক্রান্ত ধারণা ও কার্যক্রমের বিশ্লেষণ; উদ্ভাবন ও প্রণোদনা সংক্রান্ত নীতিগত কার্যক্রম এবং কর্মজীবন পরিকল্পনা ও কর্মসম্পাদন ব্যবস্থাপনা সংক্রান্ত কার্যক্রমের সঙ্গে সংশ্লিষ্ট বিষয়সমূহ; এবং
- (৫) “সরকার” বলতে জনপ্রশাসন মন্ত্রণালয়কে বুঝাবে।

### ৪। বিসিএস প্রশাসন অনুষদ তৈরির লক্ষ্য ও উদ্দেশ্য

- (১) জনপ্রশাসন মন্ত্রণালয়ের মানবসম্পদ উন্নয়ন ও ব্যবস্থাপনার প্রয়োজনের নিরিখে দক্ষ ও যোগ্যতাসম্পন্ন অনুষদ তৈরি ও প্রশিক্ষণ প্রতিষ্ঠানে পদায়ন নিশ্চিত করা।
- (২) বিসিএস প্রশাসন ক্যাডারের কর্মকর্তাদের সক্ষমতা বৃদ্ধি করা।
- (৩) প্রশিক্ষণ প্রতিষ্ঠানের প্রশিক্ষণ, গবেষণা ও বুদ্ধিবৃত্তিক কাজের মান উন্নয়ন করা।
- (৪) দেশি-বিদেশি সরকারি-বেসরকারি প্রতিষ্ঠান, উন্নয়ন সহযোগী, বিশ্ববিদ্যালয় এবং অন্যান্য বুদ্ধিবৃত্তিক ও গবেষণা প্রতিষ্ঠানের মধ্যে সমঝোতা স্মারকের মাধ্যমে পারস্পরিক দক্ষতা উন্নয়ন, উদ্ভাবন ও গবেষণার ক্ষেত্র সম্প্রসারণ করা।
- (৫) বিভিন্ন প্রশিক্ষণ প্রতিষ্ঠান ও এ জাতীয় সংশ্লেষ রয়েছে এরকম প্রতিষ্ঠানে উক্ত অনুষদ হতে পদায়ন করা।

## ৫। অনুষদে অন্তর্ভুক্তির যোগ্যতা

- (১) প্রশিক্ষণ প্রতিষ্ঠানে কাজ করতে আগ্রহী এরূপ বিসিএস প্রশাসন ক্যাডারের সিনিয়র সহকারী সচিব হতে যুগ্মসচিব পদমর্যাদার কর্মকর্তা যার ন্যূনতম ৭ (সাত) বছর চাকরিকাল অবশিষ্ট রয়েছে।
- (২) বিবেচনাধীন কর্মকর্তার চাকরি সন্তোষজনক হতে হবে। তার চাকরিজীবনের কোনো সময় বিভাগীয়/অন্য কোনোরূপ মামলায় দণ্ডপ্রাপ্ত হলে তিনি অনুষদে অন্তর্ভুক্তির জন্য বিবেচিত হবেন না।
- (৩) শিক্ষাজীবনের কোনো পর্যায়ে তৃতীয় শ্রেণি অথবা সমমান প্রাপ্ত হলে তিনি এই অনুষদে অন্তর্ভুক্তির জন্য বিবেচিত হবেন না।

## ৬। অনুষদ সদস্য বাছাই প্রক্রিয়া

- (১) জনপ্রশাসন মন্ত্রণালয় অনুষদ সদস্য বাছাইয়ের জন্য ৫ (পাঁচ) সদস্যবিশিষ্ট একটি বাছাই কমিটি গঠন করবে।
- (২) নির্দেশনা-৪ এ বর্ণিত লক্ষ্য ও উদ্দেশ্য পূরণকল্পে বাছাই কমিটি অনুষদ সদস্যের প্রয়োজনীয় চাহিদা নিরূপণ করবে।
- (৩) চাহিদা মোতাবেক জনপ্রশাসন মন্ত্রণালয় আবেদন আহ্বান করবে।
- (৪) আগ্রহী প্রার্থীগণ যথাযথ কর্তৃপক্ষের মাধ্যমে নির্দিষ্ট ফর্মে প্রমাণকসহ আবেদন করবে।
- (৫) বাছাই কমিটি আগ্রহ ও যোগ্যতার ভিত্তিতে অনুষদ সদস্য বাছাই করবে।
- (৬) অনুষদ সদস্য বাছাইয়ের মানবণ্টন নিম্নরূপঃ

ক্রমিক	বিষয়	নম্বর
১	স্নাতক	২০ (১ম শ্রেণি ২০/২য় শ্রেণি ১৫)
২	স্নাতকোত্তর	২০ (১ম শ্রেণি ২০/২য় শ্রেণি ১৫)
৩	স্নাতকোত্তর ২ (দ্বিতীয় মাস্টার্স)	৫
৪	পিএইচডি	৫
৫	প্রতি প্রকাশনা (পিয়র রিভিউড জার্নাল/বুক চ্যাপ্টার/কনফারেন্স পেপার)	১ (সর্বোচ্চ ৫)
৬	মৌখিক পরীক্ষা (উপস্থাপনা ও প্রশ্নোত্তর)	৩০ নম্বরের বিভাজন নিম্নরূপঃ ১৫ উপস্থাপনা ১৫ নিম্নোক্ত বিষয়সমূহের উপর প্রশ্নোত্তর - ক) বিষয়ভিত্তিক মৌলিক জ্ঞান-৩ খ) ইংরেজি ভাষায় দক্ষতা-৩ গ) বিষয় বিশ্লেষণ দক্ষতা-৩ ঘ) প্রত্যুৎপন্নমতিত্ব-৩ ঙ) সামগ্রিক বিষয়াবলি-৩

৭	প্রশিক্ষণ কেন্দ্র/বুদ্ধিবৃত্তিক/গবেষণা প্রতিষ্ঠানে কাজের অভিজ্ঞতা	২ বছরের উর্ধ্বের জন্য ১০ নম্বর ৬ মাস থেকে ২ বছর কর্মকালের জন্য ০৭ নম্বর
৮	প্রশিক্ষণ/প্রশিক্ষণ সংশ্লিষ্ট প্রতিষ্ঠানে সেশন পরিচালনার অভিজ্ঞতা	সর্বোচ্চ ৫ *
সর্বমোট		১০০

\* বিগত ৩ বছরে ন্যূনতম ১০ টি সেশন সফলভাবে পরিচালনার জন্য সর্বোচ্চ ৫ নম্বর প্রাপ্ত হবেন।

#### ৭। অনুষদ সদস্যগণের বাধ্যবাধকতা

কোনো কর্মকর্তা অনুষদ সদস্য হিসাবে নির্বাচিত হওয়ার পর তাকে “পদায়ন করা হলে প্রশিক্ষণ প্রতিষ্ঠানে কমপক্ষে ২ (দুই) বছর কাজ করতে বাধ্য থাকবে” মর্মে একটি মুচলেকা স্বাক্ষর করতে হবে।

#### ৮। অনুষদ সদস্যগণের প্রশিক্ষণ

সরকার প্রয়োজন অনুযায়ী দেশে ও বিদেশে অনুষদ সদস্যগণের প্রশিক্ষণ প্রদানের ব্যবস্থা গ্রহণ করবে।

#### ৯। অনুষদ সদস্যগণের পদায়ন

প্রতিষ্ঠানসমূহের চাহিদার পরিপ্রেক্ষিতে অনুষদ সদস্যগণের মধ্য থেকে মেধাক্রমের ভিত্তিতে জনপ্রশাসন মন্ত্রণালয় পদায়ন করবে।

#### ১০। অনুষদ সদস্যগণের ভাতা ও অন্যান্য সুবিধা

কোনো কর্মকর্তা অনুষদ সদস্য হিসাবে প্রশিক্ষণ প্রতিষ্ঠানে নিয়োজিত হলে সরকার কর্তৃক নির্ধারিত হারে মূল বেতনের অতিরিক্ত ভাতা ও অন্যান্য প্রণোদনা প্রাপ্য হবেন।

#### ১১। অনুষদ সদস্যগণের তালিকা সংরক্ষণ

- (১) জনপ্রশাসন মন্ত্রণালয়ের ওয়েবসাইটে অনুষদ সদস্যগণের তালিকা ও প্রোফাইল নিয়মিত হালনাগাদ করা হবে।
- (২) অনুষদ সদস্যগণের গবেষণালব্ধ প্রকাশনাসমূহের লিংক ওয়েবসাইটে প্রকাশ করা হবে।

#### ১২। অনুষদ সদস্য বাছাই ও তদারকি কর্তৃপক্ষ

জনপ্রশাসন মন্ত্রণালয় অনুষদ সদস্য বাছাই ও তদারকি কর্তৃপক্ষ হিসাবে দায়িত্ব পালন করবে।

#### ১৩। নির্দেশিকা সংশোধন/পরিমার্জন/অস্পষ্টতা দূরীকরণ

জনপ্রশাসন মন্ত্রণালয় এই নির্দেশিকার প্রয়োজনীয় সংশোধন, পরিমার্জন বা প্রয়োজ্য ক্ষেত্রে অস্পষ্টতা দূর করবে।

বরাবর,  
সচিব/সিনিয়র সচিব  
জনপ্রশাসন মন্ত্রণালয়  
বাংলাদেশ সচিবালয়।

**বিষয়: সিভিল সার্ভিস অনুষদে অন্তর্ভুক্তির আবেদন।**

মহোদয়,

আমি নিম্নস্বাক্ষরকারী বিসিএস প্রশাসন ক্যাডারের ..... ব্যাচের কর্মচারী। প্রশিক্ষণ প্রদান ও প্রশিক্ষণ প্রতিষ্ঠানে কাজ করার লক্ষ্যে সিভিল সার্ভিস অনুষদে অন্তর্ভুক্তির জন্য নিম্নোক্ত তথ্যসমূহ ও প্রমাণকসহ আবেদন করছি।

**ব্যক্তিগত তথ্য:**

নাম:		ব্যাচ:		আইডি নং:
পদবি:		ফোন:		
কর্মস্থল:		ই-মেইল:		

**শিক্ষাগত ও প্রশিক্ষণ সংক্রান্ত তথ্য:**

ক্রমিক	বিষয়	
১	স্নাতক	<input type="checkbox"/> ১ম শ্রেণি <input type="checkbox"/> ২য় শ্রেণি
২	স্নাতকোত্তর	<input type="checkbox"/> ১ম শ্রেণি <input type="checkbox"/> ২য় শ্রেণি
৩	স্নাতকোত্তর ২ (দ্বিতীয় মাস্টার্স)	(বিশ্ববিদ্যালয়ের নাম ও প্রযোজ্য ক্ষেত্রে থিসিসের শিরোনাম)
৪	পিএইচডি	(বিশ্ববিদ্যালয়ের নাম ও থিসিসের শিরোনাম)
৫	প্রকাশনা (পিয়ার রিভিউড জার্নাল)	_____ (সংখ্যা)
৬	প্রশিক্ষণ কেন্দ্র/বুদ্ধিবৃত্তিক/গবেষণা প্রতিষ্ঠানে কাজের অভিজ্ঞতা	_____ বছর
৭	প্রশিক্ষণ/প্রশিক্ষণ সংশ্লিষ্ট প্রতিষ্ঠানে সেশন পরিচালনার অভিজ্ঞতা	_____ (সংখ্যা)

স্বাক্ষর:

তারিখ:

সংযুক্তি:

১। জীবনবৃত্তান্ত (১ কপি)।

২। প্রযোজ্য প্রমাণকসমূহ।